

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...**

**Fronsberger, Leonhardt**

**[Franckfurt am Main], 1558**

**VD16 F 3129**

Desz Fürers Ampt/ vnder ein geschwader Reutter.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)



Im wird auff sein leib als andern Keyfigen Fänderichen besoldung gegeben/sein eigener Keyfwagen gehalten/Er hat kein Trabanten/es were dan das er ettwan ein geborner Herr were/sunst seins ampts halben/helt man jme nitt Trabanten.

### Des Führers Ampt/vnder ein geschwader Reutter.

**M**An verordnet ettwan ein feinen geschickten Keyfigen einspännigen Knecht/der schreyben vnnnd lesen kan/zu einem Führer/des Ampt vnnnd Beuelch ist/das er mit den jhenigen/so das Läger einnehmen/vorhin zeucht/vnnnd so das Quartier außgeteilt vnnnd verlostert ist/vnnnd er weist wölches sein Quartier ist/So verordnet er das best vnd gelegnest ort für sein Hauptman/nachmals für den Fänderich/für den Leutenant vnnnd alle Herrn vnd Adel/yedem nach seinem standt vnnnd ansehen/doch das er sein selbs nicht vergeb/Sein zeichen macht er auch an die Losament/ist es aber im feld/so theilt er die Losament auch nach gelegenheyt auß.

So dann das Läger eingenommen/vnd er seine Losament außgetheylet/so geet er für das Läger/damitt so die Reutter oder ire Trosser vnd vorreyter kommen/das er sie in jr Quartier/vnd einen yeden zu seinem Losament wif zuweisen.

Sunst thut er seins Ampts halben kein sondere pflicht/so wirt jhme kein sonderer vorteil/allein für sein mühe vnnnd arbeit wird jhme doppelsold gegeben.

### Caplon der Keyfigen.

**G**ist nicht vbel bedacht/das yeder Hauptman oder Rittmeyster/auch sein eigen Caplon habe/der ein geleerter Christlicher mensch sey/der täglich wa es gesien mag/in seins Hauptmanns Quartier seinen Reuttern ein Predig thue/vnnnd das wort Gottes verkündige/sie zu Gottes forcht/der gerechtigkeit vnd frombkeit weise/ire vntugend vnd laster straff/sie in aller Christlicher zucht berichte vnd erbaue/Dann Christliche zucht/vnnnd Gottes forcht zierdt ein Kriegsmann eben so wol/als zu vnsern jezigen zeiten ein Barfüßer Münch/es ist jme eben als dem der all stund dem todt die hant nachreget/So auch jemandts geschossen/gestochen/oder sunst wund/oder in Erandheyt vnnnd tods nöten kompt/das er bey jme sey/jhne tröst vnnnd zu sprech/wie dann die notturfft eins jeden Christlichen vnnnd sterblichen menschen erfordert.

¶ Dan